



ATASSUT

7. oktober 2020

Siverth K. Heilmann

UKA 2020/23

Uunga siunnersuut: Sanaartornermi neqerooruteqartitsisarneq pillugu Inatsisartut inatsisaata allanngortinneqarnissaa pillugu Inatsisartut inatsisaat nr. xx, xx. xxx 2020-meersoq. (Aningaasanut killigititassanik iluarsiiineq, atuuffinnik erseqqissaaneq, siumoortumik neqerooruteqartitsinani aamma isumaqatigiiffiusumik neqerooruteqartitsinani suliariumannittussarsiuussisarnissamik piumasaqaatit pillugit aalajangersakkat, siumoortumik nalunaaruteqartarnissamik atuutsitsilerneq kiisalu Neqerooruteqartitsisarnermut Maalaaruteqartarfik pillugu aalajangersakkanik atorunnaarsitsineq)

(Ineqarnermut Attaveqatigiinnermullu Naalakkersuisoq)

Sanaartornermi neqerooruteqartitsisarneq, Naalakkersuisut Inatsisartut inatsisaannut allannguniarnermik imalimmik saqqummiussaqaarnerannut qujalluta, imatut Atassummiit oqaaseqarfigissavarput.

Atassummiit maluginiarparput, neqerooruteqartitsisarnerit eqaannerulersikkumallugit akikinnerulersikkumallugillu, neqerooruteqartarnermut inatsisaasoq tunngaviatigut annikitsumik pissutsit allanngoriartorsimaneranik allannguniarneq patsiseqartinneqartoq.

Namminersornerullutik Oqartussat, Kommuonet, suliffeqarfiit namminersortut, inuit ataasiakkaat, sanaartornermi neqerooruteqartitsisarnermi (akikinnequsaatsitsinermik) taasakkatsinni, siunertaaniaraluarpoq, illoqarfinni nunaqarfinnilu tamaginni akikinnerpaamik pitsaasumillu siunertaqarluni sanaartortitsisarnissarput.

Siusinnerusukkut ukiunilumi makkunani, Nunatsinni ineriartornermi politikikkullu allanngorartumik ingerlaaseqalersimanitta kinguneraa, aningaasarsiornikkut periarfissat sanaartornerullu iluani, namminersortut ingerlalluareersut suliaasaruttarneri akiliisinnaajunnaarnerit inoqarfinnullu allanut nussornerup eqititerussuinersuullu kingunerisaanik, katatagut amerliartut nassuerutigisariaqarmat.

Pitsaasunik akikikitsunillu inissaqartitaanissarput tamavitta kissaatisarparput. Oqaatigisariaqarpoq illoqarfinni sanaartornermi unammillerfiusuni unammillerfiunngitsunilu, kvadratmeter-imut akiusartoq, isikkivik il il pissutaallutik qaffakkaluttuinnarmata. Sanaartormi sannarlutat oquullu atugaaleraluttuinnarnera ukiuni makkunani tusarsaavallaarneri pitsaassutsimut siunertaqarnerput ineqartunut akisuinnarani akileraartartunut tamanut ineriartorneq naapertuutinnngilluinnarpoq.

Akisussaaffiit amerliartuinnartut, aningaasartaqanngitsullu kommuone-nut nussorniarnaqartut saniatigut, illugisanut iluarsaassinernut atortunut aningaasartuutit taakkuuinnaraluartut, pisortat aningaasaliissutaat aningaasanut inatsisissakkut qaffanneqaraangata, namminersortuniik neqeroornerit annertusisarneri maluginngitsuugassaasanngilaq.



Atassutip kikkulluunniit namminerisaminnik illoqarnissaat pisortallu sanaartugaanni pitsaasumik skikitsunillu ineqarnissaat kiisalu namminersortut ingerlalluarnissaat pingaartitarilluinnagaraarput. Allaffissornerup Naalakkersuisunit pisariinnerulernissaa aningaasartuutikillisaanissamillu siunertarineqaraluartoq inassutiginarpoq, tusarniummi eqqumaffigisassatut uparuaatigineqartut ilanngullugit nalilersorluarneqarnissaat.

Inatsisitigut nutarterinerit akisussaaffinnillu allannguisarnigut amerlavallaaqaat, Ineqartut illutaartut sanaartortartunullu paatsuunganarsinnaasunik aalajangiisarnigut. Tamanna kingusinnerusukkut immikkoortoq allami saqqummiussaqaarnissarput Atassummiit naatsersuutigineqassaaq.

Taamatut naatsumik Atassummiit oqaaseeqarluta, suliap aappassaaneerineqartigani ataatsimiititaliami susassaartumi peqqissaarullugu nalilersuilluartoqarnissaa kissaatigaarput.